





REPUBLIKA E KOSOVËS - KOMUNA VUSHTRI
Kryetari

Në pajtim me nenin 13 të Ligjit për Vetëqeverisje Lokale nr. 03/L-040 dhe nenin 44 pika 3 të Ligjit për Mbrojtje nga Fatkeqësitë Natyrore dhe Fatkeqësitë tjera nr. 04/L-027, neni 44 paragrafi 1 të Statutit të komunës, Kryetari i Komunës me datën 07.01.2026 merr këtë:

**VENDIM
PËR NGRITJE TË GATISHMËRISË EMERGJENTE**

1. Ngritet gatishmëria emergjente dhe aktivizohet Shtabi për Gatishmëri Emergjente në Komunën e Vushtrrisë për shkak të rrezikimit të qytetarëve dhe të mirave materiale nga vërshimet, pas reshjeve të shiut në paraditën e datës 07.01.2026 në Komunën e Vushtrrisë.
2. Nga banorët me banim përgjatë lumenjve të përfshira nga reshjet e mëdha të shiut kërkohet që në rast nevojë të marrin masa për evakuim të familjarëve si dhe vendosjen e tyre në vende të sigurta.
3. Gjithashtu kërkohet nga Kryetarët e Këshillave të fshatrave dhe lagjeve urbane të rrezikuara nga vërshimet, që të jenë vigjilent, si dhe të përcjellin situatën në terren dhe t'i koordinojnë veprimet me komunitetin dhe Shtabin për Gatishmëri Emergjente të Komunës, për ndërmarrje të masave të duhura për tejkalim me sa më pak pasoja të gjendjes të krijuar nga vërshimet.
4. Ekonomive familjare, bizneseve etj. të cilat i ekspozohen rrezikut nga vërshimet, në rast nevojë të marrin masa për evakuim të familjarëve, bagëtive dhe të mirave materiale.
5. Njësia e Zjarrfikësve dhe QKMF në bashkëpunim dhe koordinim me Policinë e Kosovës, të jenë në gjendje mobile për intervenim, me qëllim të mbrojtjes së shëndetit të qytetarëve të goditur nga vërshimet si dhe të mirave të tyre materiale.
6. Për çdo rast emergjent qytetarët mund të lajmërohen në këta numra mobil: 045/603645, dhe 044/196814.
7. Vendimi hyn në fuqi menjëherë.
8. Vendimi të shpallët në mjetet elektronike të informimit publik të komunës.



Erit Idrizi

Kryetar i Komunës